

Hringbrautarverkefnið – staða framkvæmda

- **Framkvæmdahugur hjá starfsmönnun Framkvæmdasviðs NLSH**
- **Framkvæmdir við lagningu veitukerfis á vinnubúðareit**
- **Framkvæmdir við bílastæði á lóð Landspítala við Kringlu**
- **Framkvæmdir sunnan og vestan við Eirberg**
- **Frágangur sunnan við geðdeildarbyggingu Landspítala**

Framkvæmdahugur hjá starfsmönnun Framkvæmdasviðs NLSH




Hluti starfsmanna Framkvæmdasviðs NLSH, Ólafur M. Birgisson staðartæknifræðingur, Ásbjörn Jónsson sviðsstjóri Framkvæmdasviðs og Steinar Þór Bachmann verkefnastjóri

Framkvæmdasvið NLSH hefur umsjón og ber ábyrgð á verklegum framkvæmdum á vegum NLSH ohf og stendur nú yfir skipulagning á verkefnum næstu mánaða.

„Stærsta og lang viðamesta verkefni okkar þessa daga er undirbúningur á uppsteypu á nýjum meðferðarkjarna. Lagnavinna á vinnubúðareit ásamt uppbyggingu púða undir gámaeininger, sem hýsa munu þá verktaka sem koma að verkinu, ásamt eftirliti og verkkaupa er í gangi. Stefnt er að því að þeirri vinnu verði að mestu leytí lokið í byrjun nóvember.

Vinna við áætlunargerð fyrir uppsteypu stendur núna yfir milli fulltrúa verkkaupa, verktaka og verkeftirlits. Vinna við undirstöður mun hefjast fyrir áramót og síðan verða steyptir rúmlega 55 þús. rúmmetrar fram á sumar 2023 í uppbyggingu við nýjan meðferðarkjarna Landspítala“, segir Ólafur M. Birgisson staðartæknifræðingur NLSH ohf.

Framkvæmdir við lagningu veitukerfis á vinnubúðareit



Verið er að grafa fyrir ljósastaurum á
vinnubúðareit



Verið er að jafna landið og undirbúa undir
malbikun á vinnubúðareit

Vinnu er að verða lokið við veitukerfi á vinnubúðareit og unnið er að því að grafa fyrir ljósastaurum og að jafna út halla á svæðinu. Eftir er að malbika tvær götur innan vinnubúðasvæðis og að setja upp aðgangshlið bæði fyrir gangandi starfsmenn og umferð. Snókur verktakar ehf. er framkvæmdaaðili jarðvinnunnar.

Stefnt er að verklokum í byrjun nóvember.
(Sjá nr. 1 á korti)

Framkvæmdir við bílastæði á lóð Landspítala við Kringlu



Vinna er hafin við að setja upp handrið sunnan við Kringlu á lóð landspítala



Verið er að stilla upp handriðum sunnan við gamla spítala

Skriður er kominn á þessa verkframkvæmd og vinna hafin við að setja upp handrið við bílastæðið sunnan við Kringlu og meðfram gönguleiðinni sunnan við gamla spítala. Verktaki hefur verið að stilla af handlista áður en þeir fara í yfirborðsmeðhöndlun.

Verklok eru áætluð í nóvember.
(Sjá nr. 2 á korti)

Framkvæmdir sunnan og vestan við Eirberg



Uppsetning handriða vestan við Eirberg



Unnið er við uppsetningu á gróðurvarnargirðingu sunnan við Eirberg

Vinna er hafin við uppsetningu á handriðum vestan við Eirberg og þegar þeirri vinnu lýkur verður hellulögн kláruð og gengið frá tröppum. Áfram er unnið við lokafrágang á gróðurvarnargirðingu sunnan við Eirberg.

Áætlað er að þessum framkvæmdum ljúki í nóvember.
(Sjá nr. 3 á korti)

Frágangur sunnan við geðdeildarbyggingu Landspítala




Einungis á eftir að ganga frá vinnu við trjábeð við geðdeild Landspítala

Einungis á eftir að ganga frá vinnu við trjábeð við geðdeild Landspítala og öðrum verkum á þessu svæði er lokið.

Áætlað er að þessari framkvæmd ljúki í byrjun nóvember.
(Sjá nr. 4 á korti)

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Akstursleið

Gönguleið

Vinnusvæði

Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH,

866 1378 eða magnus@nlsh.is

Sértækar upplýsingar veitir af hálfu Landspítala Stefán Hrafn Hagalín 897 3644
stefanhh@landspitali.is og frá Háskóla Íslands Björn Gíslason 896 0876 bgisla@hi.is



nlsh.is

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / postur@nlsh.is

Höfundaréttur © NLSH ohf.